


法蘊足論

才六

三百五十六  
第六

50285





阿毗達磨法蘊足論卷第六



弟

尊者大目軋連造

三藏法師

玄奘奉詔譯

念任品第九之餘



去何於此內法任循法觀若具正勤正知正  
念除世貪憂內法者謂自想蘊行蘊若在現  
相續中已得不失於此內法循法觀者謂有  
苾芻於內五蓋法觀察思惟內法諸相於有  
內貪欲蓋如實知我有內貪欲蓋於無內貪  
欲蓋如實知我無內貪欲蓋復如實知內貪  
欲蓋未生者生已生者斷斷已於後不復更  
生如是思惟此內法時所起於法簡擇乃至  
毗鉢舍那是循內法觀亦名法念任成就此





觀現行隨行乃至解行說名爲任彼觀行者  
能發起勤精進乃至復能於此急疾迅速名  
具正勤彼觀行者能起於法簡擇乃至能圓  
滿極圓滿名具正知彼觀行者具念隨念乃  
至心明記性名具正念於諸欲境諸貪等貪  
乃至貪類貪生摠名爲貪順憂受觸所起心  
憂不平等憂感憂所攝摠名爲憂彼觀行者  
修此觀時於世所起貪憂二法能斷能徧知  
乃至慧沒除滅是故說彼除世貪憂如說內  
貪欲蓋說內瞋恚昏沉睡眠掉舉惡作疑蓋  
亦亦復有苾芻於內六結法觀察思惟內法  
諸相於有內眼結如實知我有內眼結於無

內眼結如實知我無內眼結復如實知此內  
眼結未生者生已生者斷斷已於後不復更  
生如是思惟此內法時所起於法簡擇乃至  
毗鉢舍那是循內法觀亦名法念住住具正  
勤正知正念除世貪憂皆如前說如說內眼  
結說內耳鼻舌身意結亦尔復有苾芻於內

七覺支法觀察思惟內法諸相於有內念覺  
支如實知我有內念覺支於無內念覺支如  
實知我無內念覺支復如實知內念覺支未  
生者生生已堅任不忘修滿倍增廣大智作  
證故如是思惟此內法時所起於法簡擇乃  
至毗鉢舍那是循內法法觀亦觀法念住住



具正勤正知正念除世貪憂亦如前說如說  
內念覺支說餘內六覺支等亦亦復有苾芻  
於所說內想蘊行蘊觀察思惟多諸過患謂  
此法者如病如癰廣說乃至是變壞法如是  
思惟法過患時所起於法簡擇乃至毗鉢舍  
那是循內法觀亦名法念住住具正勤正知  
正念除世貪憂亦如前說云何於彼外法住  
循法觀若具正勤正知正念除世貪憂外法  
者謂自想蘊行蘊若在現相續中未得已失  
及他有情想蘊行蘊於彼外法循法觀者謂  
有苾芻於他五蓋法觀察思惟外法諸相於  
有外貪欲蓋如實知彼有外貪欲蓋於無外

貪欲蓋如實知彼無外貪欲蓋復如實知外  
貪欲蓋未生者生已生者斷斷已於後不復  
更生如是思惟此外法時所起於法揀擇乃  
至毗鉢舍那是循外法觀亦名法念任任具  
正勤正知正念除世貪憂亦如前說如說外  
貪欲蓋說餘外四蓋亦亦復有苾芻於他六  
結法觀察思惟外法諸相於有外眼結如實  
知彼有外眼結於無外眼結如實知彼無外  
眼結復如實知彼外眼結未生者生已生者  
斷斷已於後不復更生如是思惟彼外法時  
所起於法揀擇乃至毗鉢舍那是循外法觀  
亦名法念任任具正勤正知正念除世貪憂



亦如前說。如說外眼結說。餘外五結。亦亦復  
有苾芻於他七覺支法觀察思惟外法諸相  
於有外念覺支如實知彼有外念覺支於無  
外念覺支如實知彼無外念覺支復如實知  
外念覺支未生者生已堅住廣說乃至智  
作證故如是思惟彼外法時所起於法揀擇  
乃至毗鉢舍那是循外法觀亦名法念住住  
具正勤正知正念除世貪憂亦如前說如說  
外念覺支說餘外六覺支等亦亦復有苾芻  
於所說外想蘊行蘊觀察思惟多諸過患謂  
彼法者如病如癰廣說乃至是變壞法如是  
思惟法過患時所起於法揀擇乃至毗鉢舍



那是循外法觀亦名法念住住具正勤正知  
正念除世貪憂亦如前說云何於內外法住  
循法觀若具正勤正知正念除世貪憂內法  
者謂自想蘊行蘊若在現相續中已得不失  
外法者謂自想蘊行蘊若在現相續中未得  
已失及他有情想蘊行蘊合此二種名內外  
法於內外法循法觀者謂有苾芻合前自他  
想蘊行蘊惣爲一聚觀察思惟自他法相謂  
前所說內外五蓋六結七覺支等此彼有無  
未生生斷不復生相如是思惟內外法時所  
起於法揀擇乃至毗鉢舍那是循內外法觀  
亦名法念住住具正勤正知正念除世貪憂

亦如前說復有苾芻合前自他想蘊行蘊摠  
爲一聚觀察思惟多諸過患謂此彼法如病  
如癰廣說乃至是變壞法如是思惟法過患  
時所起於法揀擇乃至毗鉢舍那是循內外  
法觀亦名法念住住具正勤正知正念除世  
貪憂亦如前說

聖諦品第十

一時薄伽梵住婆羅痾斯仙人論處施鹿林  
中尔時世尊告苾芻衆此苦聖諦若於如是  
未曾聞法如理思惟定能發生眼智明覺此  
苦集聖諦若於如是未曾聞法如理思惟定  
能發生眼智明覺此苦滅聖諦若於如是未



曾聞法如理思惟定能發生眼智明覺此趣  
苦滅道聖諦若於如是未曾聞法如理思惟  
定能發生眼智明覺復次苾芻此苦聖諦以  
通慧應徧知若於如是未曾聞法如理思惟  
定能發生眼智明覺此苦集聖諦以通慧應  
永斷若於如是未曾聞法如理思惟定能發  
生眼智明覺此苦滅聖諦以通慧應作證若  
於如是未曾聞法如理思惟定能發生眼智  
明覺此趣苦滅道聖諦以通慧應修習若於  
如是未曾聞法如理思惟定能發生眼智明  
覺復次苾芻此苦聖諦我通慧已徧知若於  
如是未曾聞法如理思惟定能發生眼智明

覺此苦集聖諦我通慧已亦斷若於如是未  
曾聞法如理思惟定能發生眼智明覺此苦  
滅聖諦我通慧已作證若於如是未曾聞法  
如理思惟定能發生眼智明覺此趣苦滅道  
聖諦我通慧已修習若於如是未曾聞法如  
理思惟定能發生眼智明覺苾芻當知我於  
如是四聖諦中若未三轉十二行相謂未發  
生眼智明覺未能於此天人世間魔梵沙門  
婆羅門等解脫出離未除顛倒多住心故亦  
未如實能自稱言我證無上正等菩提我於  
如是四聖諦中若已三轉十二行相謂已發  
生眼智明覺便能於此天人世間魔梵沙門



婆羅門等解脫出離已除顛倒多住心故亦  
已如實能自稱言我證無上正等菩提說此  
法時具壽憍陳那及八萬天子遠塵離垢於  
諸法中生淨法眼尔時佛告憍陳那言於所  
說法汝已解耶憍陳那言我今已解第二第  
三亦復如是以憍陳那先解法故世共号彼  
為阿若多地神藥又聞是語已歡喜踊躍高  
聲唱言佛今於此婆羅痾斯仙人論處施鹿  
林中憐愍愍世間諸衆生故欲令獲得利樂事  
故三轉法輪其輪具足十二相行世間沙門  
及婆羅門天魔梵等皆無有解如法轉者由  
佛轉此無上法輪憍陳那等已見聖諦從今

天衆漸當增益阿素洛衆漸當損減因斯展  
轉諸天及人皆獲殊勝利益安樂空行藥叉  
聞是聲已歡喜傳告四大王天彼復舉聲展  
轉相告經須臾頃聲至梵天時大梵王聞已  
歡喜慶佛爲轉無上法輪利樂無邊諸有情  
故此中宜說轉法輪事是故名曰轉法輪經  
時五苾芻八萬天子聞經歡喜信受奉行云  
何苦聖諦謂生苦老苦病苦死苦惡憎會苦  
愛別離苦求不得苦略說一切五取蘊苦去  
何生苦生謂彼諸有情類即於彼彼有情聚  
中諸生等生趣入出現蘊得界得處得諸蘊  
生命根起惣名爲生何因緣故說生爲苦有



情生時領納攝受種種身苦事故領納攝受  
種種心苦事故領納攝受種種身心苦事故  
領納攝受種種身熱惱事故領納攝受種種  
心熱惱事故領納攝受種種身心熱惱事故  
領納攝受種種身燒然事故領納攝受種種  
心燒然事故領納攝受種種身心燒然事故

說生爲苦復次生時受二種苦一者苦苦二  
者行苦故名生苦云何老苦老謂老時髮落  
髮白皮緩面皺身曲背偃喘息逾急扶杖而  
行支體班黑衰退闇鈍根熟變壞諸行故敗  
朽壞羸損摠名爲老何因緣故說老爲苦有  
情老時領納攝受種種身苦事故廣說乃至

領納攝受種種身心燒然事故說老爲苦復  
次老時受三種苦一者苦苦二者行苦三者  
壞苦故名老苦云何病苦病謂頭痛眼痛耳  
痛鼻痛舌痛面痛脣痛齒痛齧痛喉痛心痛  
風病嗽病氣病噫病癩病痔病痢病痧寒  
病熱病瘧病癰病歐逆瘡腫癬疥癩癭帶下  
漏泚疥癬枯消及餘種種依身心起身心疥  
疾摠名爲病何因緣故說病爲苦有情病時  
領納攝受種種身苦事故廣說乃至領納攝  
受種種身心燒然事故說病爲苦復次病時  
受二種苦一者苦苦二者行苦故名病苦云  
何死苦死謂彼彼諸有情類即從彼彼諸有



情聚移轉壞沒退失別離壽暖識滅命根不  
轉諸蘊破壞天墜殞逝揔名爲死何因緣故  
說死爲苦有情死時領納攝受種種身苦事  
故廣說乃至領納攝受種種身心燒然事故  
說死爲苦復次死時受三種苦一者苦苦二  
者行苦三者壞苦故名死苦云何惡憎會苦  
惡憎會謂諸有情等不可愛不可樂不可喜  
不可意而與彼俱一處爲伴不別不異不離  
不散聚集和合揔名惡憎會何因緣故說惡  
憎會爲苦謂諸有情惡憎會時領納攝受種  
種身苦事故廣說乃至領納攝受種種身心  
燒然事故說彼爲苦復次惡憎會時受二種

苦一者苦苦二者行苦故名死憎會苦云何  
愛別離苦愛別離謂諸有情等可愛可樂可  
喜可意不與彼俱不同一處不爲伴侶別異  
離散不聚集不和合摠名愛別離何因緣故  
說愛別離爲苦謂諸有情愛別離時領納攝  
受種種身苦事故廣說乃至領納攝受種種  
身心燒然事故說彼爲苦復次愛別離時受  
三種苦一者苦苦二者行苦三者壞苦故名  
愛別離苦云何求不得苦求不得謂希求可  
意色聲香味觸衣服飲食卧具醫藥諸資身  
具不得不獲不會不遇不成就不和合摠名  
求不得何因緣故說求不得爲苦謂諸有情



求不得時領納攝受種種身苦事故廣說乃  
至領納攝受種種身心燒然事故說彼爲苦  
復次求不得時受二種苦一者苦苦二者行  
苦故名求不得苦去何略說一切五取蘊苦  
五取蘊謂色取蘊受想行識取蘊摠名五取  
蘊何因緣故略說一切五取蘊爲苦謂五取  
蘊無常轉動勞倦羸篤是失壞法迅速不停  
衰朽非恒不可保信是變壞法有增有減暫  
住速滅本無而有有已還無由此因緣略說  
一切五取蘊爲苦如說取蘊皆蘊皆性是苦  
不安隱故違聖心故如是諸苦名苦諦者謂  
此名無常真實是無常此名爲苦真實是苦

若佛出世若不出世如是苦法法任法界一  
切如來自然通達等覺宜說施設建立分別  
開示令其顯了謂此是無常此是苦此是無  
常性此是苦性是真是實是諦是如非妄非  
虛非倒非異故名苦諦名聖諦者聖謂諸佛  
及佛弟子此是彼諦謂彼於此知見解了正

覺為諦由是因緣名苦聖諦

復次苦聖諦者是假使建立名相言說謂苦  
聖諦過殞伽沙佛及弟子皆共施設如是名  
故云何苦集聖諦謂所有諸愛後有愛喜俱  
行愛彼彼喜愛如是略說苦集聖諦若廣說  
者則二愛三愛復有三愛四愛五愛六愛及



一切不善法一切有漏善法一切結縛隨眠  
隨煩惱纏等皆名苦集聖諦何因緣故所有  
諸愛後有愛喜俱行愛彼彼喜愛皆名苦集  
聖諦謂此四愛皆是過去未來現在苦因根  
本道路緣起廣說乃至此身壞後由此爲因  
苦果生起故說此名苦集聖諦何因緣故二  
愛三愛復有三愛四愛五愛六愛及一切不  
善法一切有漏善法一切結縛隨眠隨煩惱  
纏等皆名苦集聖諦謂此諸法皆是過去未  
來現在苦因根本道路緣起廣說乃至此身  
壞後由此爲因苦果生起如說愛等皆是苦  
因能爲根本引衆苦故如是愛等名集諦者

謂此名愛等。真實是愛等。此名爲集。真實是  
集。若佛出世。若不出世。如是集法。法住法界。  
一切如來。自然通達。等覺宣說。施設建立。分  
別開示。令其顯了。謂此是愛等。此是集。此是  
愛等性。此是集性。是真是實。是諦是如。非妄  
非虛。非倒非異。故名集諦。名聖諦者。聖謂諸  
佛及佛弟子。此是彼諦。謂彼於此。知見解了。  
正覺爲諦。由是因緣。名苦集聖諦。復次。苦集  
聖諦者。是假建立。名相言說。謂苦集聖諦。過  
殞伽沙。佛及弟子。皆共施設。如是名故。  
云何苦滅。聖諦謂即諸愛。後有愛喜。俱行愛。  
彼彼喜愛。無餘永斷。棄捨變吐。盡離染滅。寂



靜隱沒如是略說苦滅聖諦若廣說者則二  
愛三愛復有三愛四愛五愛六愛及一切不  
善法一切有漏善法一切結縛隨眠隨煩惱  
纏等無餘永斷棄捨變吐盡離染滅寂靜隱  
沒皆名苦滅聖諦何因緣故即諸愛後有愛  
喜俱行愛彼彼喜愛無餘永斷棄捨變吐盡  
離染滅寂靜隱沒皆名苦滅聖諦謂此四愛  
若未斷未徧知未滅未吐後有苦果相續生  
起若已斷已徧知已滅已吐後有苦果不復  
生起故此永斷等名苦滅聖諦何因緣故即  
二愛三愛復有三愛四愛五愛六愛及一切  
不善法一切有漏善法一切結縛隨眠隨煩

惱纏等無餘永斷棄捨變吐盡離染滅寂靜  
隱沒皆名苦滅聖諦謂此諸法若未斷未徧  
知未滅未吐後有苦果相續生起若已斷已  
徧知已滅已吐後有苦果不復生起故此永  
斷等名苦滅聖諦即此苦滅聖諦亦名室宅  
亦名洲渚亦名救護亦名歸依亦名應趣亦  
名無憂亦名無病亦名不死亦名無熾然亦  
名無熱惱亦名安隱亦名清涼亦名寂靜亦  
名善事亦名吉祥亦名安樂亦名不動亦名  
涅槃如說涅槃是真苦滅是諸沙門究竟果  
故如是斷等名滅諦者謂此名涅槃真實是  
涅槃此名爲滅真實是滅若佛出世若不出



世如是滅法法任法界一切如來自然通達  
等覺宣說施設建立分別開示令其顯了謂  
此是涅槃此是滅此是涅槃性此是滅性是  
真是實是諦是如非妄非虛非倒非異故名  
滅諦名聖諦者聖謂諸佛及佛弟子此是彼  
諦謂彼於此知見解了正覺為諦由是因緣  
名苦滅聖諦復次苦滅聖諦者是假建立名  
相言說謂苦滅聖諦過苑伽沙佛及弟子皆  
共施設如是名故

云何趣苦滅道聖諦謂若道若聖行於過去  
未來現在苦能永斷能棄捨能變吐能盡能  
離染能滅能寂靜能隱沒此復是何謂八支

聖道則是正見正思惟正語正業正命正勤  
正念正定云何正見謂聖弟子於苦思惟苦  
於集思惟集於滅思惟滅於道思惟道無漏  
作意相應所有於法揀擇極揀擇最極揀擇  
解了等了近了機點通達審察聰睿覺明慧  
行毗鉢舍那是名正見云何正思惟謂聖弟  
子於苦思惟苦乃至於道思惟道無漏作意  
相應所有思惟等思惟近思惟尋求等尋求  
近尋求推覓等推覓近推覓令心於法麁動  
而轉是名正思惟云何正語謂聖弟子於苦  
思惟苦乃至於道思惟道無漏作意相應思  
擇力故除趣邪命語四惡行於餘語惡行所



得無漏遠離勝遠離近遠離極遠離寂靜律  
儀無作無造棄捨防護船筏橋梁堤塘牆塹  
於所制約不踰不踰性不越不越性無表語  
業是名正語云何正業謂聖弟子於苦思惟  
苦乃至於道思惟道無漏作意相應思擇力  
故除趣邪命身三惡行於餘身惡行所得無  
漏遠離乃至無表身業是名正業云何正命  
謂聖弟子於苦思惟苦乃至於道思惟道無  
漏作意相應思擇力故於趣邪命身語惡行  
所得無漏遠離乃至身語無表業是名正命  
云何正勤謂聖弟子於苦思惟苦乃至於道  
思惟道無漏作意相應所有勤精進勇健勢

猛熾盛難制勵意不息是名正勤云何正念  
謂聖弟子於苦思惟苦乃至於道思惟道無  
漏作意相應所有念隨念專念憶念不忘不  
失不遺不漏不失法性心明記性是名正念  
云何正定謂聖弟子於苦思惟苦乃至於道  
思惟道無漏作意相應所有心住等住近住  
安住不散不亂攝止等持心一境性是名正  
定如是所說八支聖道及餘無漏行名趣苦  
滅道如說聖行是真實道究竟離苦趣涅槃  
故如是聖行名道諦者謂此名聖行真實是  
聖行此名爲道真實是道若佛出世若不出  
世如是道法法住法界一切如來自然通達



等覺宣說施設建立分別開示令其顯了謂  
此是聖行此是道此是聖行性此是道性是  
真是實是諦是如非妄非虛非倒非異故名  
道諦名聖諦者聖謂諸佛及佛弟子此是彼  
諦謂彼於此知見解了正覺爲諦由是因緣  
名趣苦滅道聖諦復次趣苦滅道聖諦者是  
假建立名相言說謂趣苦滅道聖諦過殞伽  
沙佛及弟子皆共施設如是名故

靜慮品第十一

一時薄伽梵在室羅筏住逝多林給孤獨園  
余時世尊告苾芻衆有四天道今諸有情未  
淨者淨淨者鮮白何等爲四謂有一類離欲

惡不善法有尋有伺離生喜樂初靜慮具足  
任是名第一天道復有一類尋伺寂靜內有  
淨心一趣性無尋無伺定生喜樂第二靜  
慮具足任是名第二天道復有一類離喜住  
捨正念正知身受樂聖說應捨第三靜慮具  
足任是名第三天道復有一類斷樂斷苦生  
喜憂沒不苦不樂捨念清淨第四靜慮具足  
任是名第四天道如是四種皆令有情未淨  
者淨淨者鮮白

離欲惡不善法者云何欲謂貪亦名欲欲界  
亦名欲五妙欲境亦名欲今此義中意說五  
妙欲境名欲所以者何以五妙欲極可愛故



極可醉故極可欲故極可樂故極可貪故極  
可求故極可悶故極可縛故極可希故極可  
繫故此中名欲然五妙欲非真欲體真欲體  
者是緣彼貪如世尊說

世諸妙境非真欲  
妙境如本任世間

真欲謂人分別貪  
智者於中已除欲

此頌意言可愛妙色聲香味觸非真欲體真  
欲體者謂緣彼生分別貪著欲境如本智者  
於中名離欲故尊者舍利子有時為人說如是  
頌亦時有一邪命外道不遠而住以頌難詰  
舍利子言

若世妙境非真欲

真欲謂人分別貪

苾芻應名受欲

起惡分別尋思故

時舍利子報外道言起惡尋思實名受欲非諸苾芻於世妙境皆起不善分別尋思故汝不應作斯難詰以頌反詰彼外道言

若世妙境是真欲  
汝師應名受欲人

說欲非人分別貪  
恒觀可意妙色故

時彼外道默不能答彼師實觀可愛色故由此知欲是貪非境余時有一級水女人聞上伽他便說頌曰

欲我知汝本  
汝復從誰起  
汝從分別生  
我更不分別

時復有一過吒羅種聞上伽他亦說頌曰



牟尼安隱眠

遇惡無愁惱

心樂靜慮者

不遊戲諸欲

此頌意言可愛妙境欲非真欲於彼所起分別貪愛乃是真欲是故此中應作四句一有一類補特伽羅於諸欲境身離非心謂如有一剃除鬚髮披服袈裟正信出家身參法侶心猶願戀所愛諸欲數復發起猛利貪愛彼身出家心猶未出是名於欲身離非心二有一類補特伽羅於諸欲境心離非身謂如有一雖妻子受用上妙田宅卧具香鬘瓔珞衣服飲食受畜種種金銀珍寶駟役奴婢僮僕作使或時發起打罵等業而於諸欲不生耽

染不數發起猛利貪愛彼身在家其心已出  
是名於欲心離非身三有一類補特伽羅於  
諸欲境身心俱離謂如有一剃除鬚髮披服  
袈裟正信出家身參法侶於諸欲境心無顧  
戀不數發起緣彼貪愛失念暫起深生悔愧  
彼身出家其心亦出是名於欲身心俱離四  
有一類補特伽羅於諸欲境身心俱不離謂  
如有一畜妻養子受用上妙田宅卧具香鬘  
瓔珞衣服飲食受畜種種金銀珍寶駝役奴  
婢僮僕作使發起種種打罵等業復於諸欲  
深生耽染數數發起猛利貪愛彼身心二種  
俱不出家是名於欲身心俱不離去何離欲



謂於諸欲遠離極遠離空不可得故名離欲  
云何惡不善法謂五蓋即貪欲蓋瞋恚蓋昏  
沉眠睡蓋掉舉惡作蓋疑蓋云何貪欲蓋謂  
於諸欲諸貪等貪執蔽防護堅著愛樂迷悶  
耽嗜徧耽嗜內縛希求耽湎苦集貪類貪生  
摠名貪欲如是貪欲覆心蔽心障心纏心隱

心映心裏心蓋心故名爲蓋蓋即貪欲故名  
貪欲蓋云何瞋恚蓋謂於有情欲爲損害內  
懷栽杙欲爲擾惱已瞋恚當瞋恚現瞋恚樂  
爲過患極爲過患意極憤恚於諸有情各相  
違戾欲爲過患已爲過患當爲過患現爲過  
患摠名瞋恚如是瞋恚覆心蔽心乃至裏心

蓋心故名爲蓋蓋即瞋恚故名瞋恚蓋云何  
惛沉睡眠蓋謂身重性心重性身無堪任性  
心無堪任性身惛沉性心惛性夢覺昏悶搥  
名惛沉染污心品所有眠夢不能任持心昧  
略性搥名睡眠如是所說惛沉睡眠覆心蔽  
心乃至裏心蓋心故名爲蓋蓋即惛沉睡眠  
故名惛沉睡眠蓋云何掉舉惡作蓋謂心不  
寂靜掉舉等掉舉心掉舉性搥名掉舉染污  
心品所有心變心懊心悔我惡作惡作性搥  
名惡作如是所說掉舉惡作覆心蔽心乃至  
裏心蓋心搥名爲蓋蓋即掉舉惡作故名掉  
舉惡作蓋云何疑蓋謂於佛法僧及苦集滅



道生起疑惑二分二路猶豫疑箭不決定不  
 究竟不審決非已一趣非當一趣非現一趣  
 揔說為疑如是疑性覆心蔽心乃至裏心蓋  
 心故名為蓋蓋即是疑故名疑蓋云何離不  
 善法謂於如是惡不善法遠離極遠離空不  
 可得故名離惡不善法

說一切有部法蘊足論卷第六

弟

注法字疵尺斯八緩玄皴側偃下喘紆

息軟上反尺齧吾反各喉侯嗽蘇噫乙癩賴痔音

直里反林痲音癩音癩音逆烏癩音癩音癩音

頌下反一帶上音音漏音泄音薛音疝音癩音癩音癩音

疾

上刃反 丑

夭

上於

峇

下蘇

浪

反

殞

上作

逝

詞閏

反

正

反

舟

上舟

且

反下

過

上葛

夭

反於

栽

下骨

朽

反吾

憤

反房

粉

反

違

下

戾

帝

反

薨

上莫

鄧

反

憤

上妹

反

懊

上

心

告

反

於

反

於





